

遼州志

目錄

卷之一

圖考

建置沿革

星野

疆域

形勝附

卷之二

城池

山水

學校
學田附

義學田附

卷之三

公署

坊鄉

關梁

郵傳
舖司附

卷之四

祠祀

古蹟

陵墓

寺觀

卷之五

戶口

田賦

蓋法附

兵防

物產

風俗

祥異

卷之六

職官

循蹟

選舉
貶封附

卷之七

人物
忠孝節義附

列女

方伎

仙釋

卷之八

藝文上

藝文下

通志

卷之一

遼州志卷之四

祠祀

祀典所臚春祈秋賽崇德報功禮甚鉅也至於民間私祭苟出公好非淫瀆可比卽君子所不禁古人謂先成民而後致力於神予謂致力於神卽成民之一端也志

祠祀

社稷壇

在城西

風雲雷雨壇

在城南知州王綬創建

先農壇

在城西雍正五年知州沈紹祖建

厲壇 在城北

文廟 城內西

崇聖祠 名宦祠 鄉賢祠 忠孝祠 節孝祠

文昌祠 四一在城北街一在城南街一在東鰲峯一在
西鰲峯

奎星樓 二一在州南城上一在西文昌祠前

城隍廟 在城內儒林坊街廟內有偃蓋松一株紛披滿
院

關帝廟 二一在城東街一在西關雍正五年追封三代

八蜡廟 在城南知州王綬建

土地祠 在州衙內東

昭懿聖母祠

在城西崑山上鄒國公孟子七世孫女宋加號曰昭懿聖母之神明洪武七年賜號

崑山之神

十龍神祠

在千畝原下唐加號曰通利侯明洪武七年賜號爲千畝靈泉之神雍正十一年知州徐三俊重修

祝融神祠

在城北洪武七年賜號爲祝融之神

晉大夫祠

在城南洪武七年賜號爲晉大夫先軫之廟

高司馬祠

在州治西街舊祠在寺平村

以上皆每歲春秋致祭

真武廟

在州治東雍正十年知州徐三俊重修

東嶽廟 在城南街

藥王廟 在城東街

馬王廟 在城隍廟東

泰山廟 在西關北內有羅睺子孫聖母二殿紳士里民建

河神廟 在城南雍正八年吏目徐正洛建知州徐三俊撰碑記

龍王廟 在西沙河上

火神廟 在州南梁峪嶺上

后土廟 在州北後窪峪村

箕山廟 在本山上

山神廟 在河南松山上

五嶽廟 在寒王鎮

鄧侯祠 在州治前

崔府君廟 在東關

王將軍廟 在石匣村梁將王彥章也

媧皇聖母廟 在上豐墩村

羅喉聖母廟 在城南

九江聖母廟 在西河頭村

香山聖母廟 在紫陽村

子孫聖母廟

三一在城隍廟後一在五里墩村一在宋家口村

各村廟宇尚多不能悉載

古蹟

三晉爲唐虞畿輔春秋王盟之地遺蹟最多簿書執掌不遑登探然父老所傳史書所載雖不能至心嚮往之矣志古蹟

崑山春色

地居向陽春色先到隆冬亦含生意有昭懿聖母廟相傳爲亞聖七世孫女左右有牡丹

芍藥園花盛則年豐西脰有昭懿泉前守陳九陞創建亭閣盛植楊柳稱登臨勝地

千畝靈泉

崖半有石洞泉從洞出形如白練聲似雷吼冬結冰柱晶瑩奪目山顛有龍洞深廣數畝高可數丈中建梵刹別一洞天

石佛松濤

城西七里許山有石洞中鑄石佛因名石佛寺枕高岡逶曲澗蒼松萬株清香襲人

漳水秋波

逢秋潦盡水清風濤澎湃音韻鏗然

箕山積雪

益避啓於茲山之陰盛暑雪積說者謂益堅臣節凜栗千古

許洞清風

在箕山許由隱此石壁鐫蝌蚪文字下有洗耳泉

高歡雲洞

壁開石室鏤柱雕梁巧奪天工相傳高歡曾避暑於此

五指勝跡

山形筆卓一峯插天山半有仙人掌跡

北郭晴嵐

城北每晨有嵐霞橫亘爛如慶雲

西樓返照

在西關通晉橋頭日落西暉紅光返照

太子蓮池

在城南羅睺聖母廟前有泉溢起鰲爲池相傳梵王太子浴此蓮花湧出今池廢泉存

趙王臺

在黃章村山上有石臺狀如伏虎相傳趙襄子曾憩此

甕洪泉

在甕洪山泉出石罅旁有石龍瀉如鳴琴味最甘

原孝拖杷

軍寨村人年數歲祖老病父厭之欲絕養用杷拖棄山中孝請還杷父怪問之曰欲存之以待後日送父耳父感悟拖歸終養至今坡草偃生宛然杷過之痕

